

gemeynt warn, denn das sulch brieff vns zustunde, noch dem die andern, do bie wir den funden, vnsirm liben bruder insunderheit zugeschrebin werenn. Do wir sulchem brieff vnsirn schriber zuordeutschen obirantworten, qwomen wir irst yn kunde, das sulch brieff uwre libe vnd nicht vns zuhilde. Als bitten wir uwir libe in fruntlichin vlissee, vns dorynne nicht zuormerken vnd keynen argen wan doruß zuentpfahin, so wir sulchs unwissentlich vnd an alle geuerhde gethan haben, wollen wir vmb uwir libe gerne vordinen. Geben zu Lochow am sontage noch conversionis sancti Pauli anno domini M. CCCC. LXX^{mo}.

Dem erwirdigen in gotuater hern Diteriche bischoffe zu Miessen vnsirm besundirn liebn herrn frunde vnde geuatteren.

Nach einer Abschrift in Grundmann Cod. dipl. ep. Misn. VIII. 5021.

No. 1128. 1470. 7. Febr.

B. Dietrich bekennt, dass er mit Zustimmung des Capitels vom Kloster zu Marienstern zwei Teiche in Kubschitz gekauft, deren Bezahlung nach Jahresfrist erfolgen soll.

Wir Dietrich von gots gnadenn bischoff zeu Missen bekennen — das wir mit wol bedochtem mute willen vnde wisßin vnnsirs capitils zeu Missen durch sundirlichen nüttez vnde fromen vnnsir vnnde vnnsir kirchen von der wierdiegin ingot frauwen Barbaran eptischynne vnde der ganezen sampnung des iungfrawen clostirs zeu Marienstern zewene teiche gelegin yn vnnsirm dorffe Kopticzsch recht vnde redelich gekoufft habin vor hundirt margk grosschen, welche hundirt margk die obgemelte eptisschynne vnns vnnde vnnsir kirchen also gutwillig sich erezeigen vnd uff Walpurgis nehist komende nach datum ditezs brieffs obir eyn iar gutlich mit der bezalung beharren wil, vnde uff sulche tagezeit wir obgnanter Dietrich bischoff zeu Misßen geredin vnde glouben vor vnns vnde vnnsir nachkomende bischoffe yn vnnde mit crafft diß vnnsirs brieffs sulche hundirt margk ane furzogk furdir eze-rungk mühe vnde erbeit der mehirgnanten eptisschynne fruntlich zeu bezalen. Des zeu warer orkunde habin wir vnnsir sigill an disßin brieff gehangenn. Gebin zeu Missen am mitwoch nach Dorotheae vnde gots geburt tusent vierhundert im sebit-czigisten iare.

Vnde wir Dietrich von Schonberg thumprobst, Hinricus Leubing techandt, Hermannus Eschewege senior vnde das gancz capittel zu Missen bekennen vor vnns vnde vnnsir nachkomen, das wir zeu dem kouff borg vnde bezalung wie obinberurt gegeben haben vnde gebin yn vnnde mit crafft diß briffes vnnsirenn willen vnnde gunst. Zcu orkunde vorsigilt mit vnnsirs capitels sigil vnnde gegeben wie obin-geschrebin ist.

Nach dem Orig. im K. Haupt-Staatsarchiv zu Dresden mit dem Siegel des Bischofs und dem (kleinern) Capitelssiegel an Pergamentstreifen.